



Кейинги вақтларда баъзи рўзномаларни ўқир эканмиз, ҳуқуқ-тартибот вакиллари қарата қандайдир ишонсизлик, умидсизлик билан, гоҳида нафратланиб ёзилган мақолаларни учратиш қоламан.

Мен Каттақўрғон тергов қамоқхонасида бир неча йиллардан буён хизмат қилиб келаман. Бизга келиб тушаётган йигит ва қизларнинг кўпчилиги ёшлар. Вояга етмаган ўспиринлар ҳам бор. Мен ўз иш тажрибам давомида шундай нарсаларга ҳайрон қолдимки, уларнинг кўпчилиги жиноятни етишмовчиликдан, очликдан ва ночорликдан қилишмаган. Айблов варақаларини кўздан кечирар экансиз маълум бўладики, ҳаммаси яхши, ёйиш-кийиши етарли оилалардан.

Улар уйларида, оиласида қай аҳволда яшашганлари, ота-онаси, ўқитувчилари, таниш-билишлари тарбиясини қай даражада олишганларини бир кўришингиздаёқ кийимларидан, гапларидан, орқаларидан келишаётган тўп-тўп оғайилларидан англаб оласиз. Шундай кийинганлари борки, оддий колхозчи ёки хизматчи бир йил ишлаши керак бўлади бу уст-бошни олишга.

Ота-оналар кўз ёшлари билан ёлворишиб: «Биттагина ўғлим эди, кичик ўғлим эди, эрка ўғлим эди, ёшлиқ қилиб қўйди, эркалик қилиб қўйди», — деган гаплардан на-рига ўтишмайди. «Нега ишга жойлаштирмадингиз?» — деб кўринг-а. «Ишлашига ҳожат йўқ эди, ҳамма нарса етарли эди», — деган жавоб қайтарилади.

Учрашув хоналарида, суд залларида, тергов хоналарида бефойда қойишларга, танбехларга, кечиккан кўз ёшларга зўр беришади. Энди кеч, гишт қолипдан кўнган бўлади бу вақтда. Бу танбехларни участка вакили лойга ботиб, гоҳ

пиёда, гоҳ бировнинг машинасига ялиниб, уйингиз остонасига борганда бериш керак эди. Уша вақтда ходимни кўкрагидан итаргудек ҳайдаб солмай, биргаликда чора топиш керак эди. Баъзи ота-оналар, ҳатто «ичкаридаги» ўғли ёки қизига телевизор ҳам киритиб юборишга, иложини топса, ҳар кун келишга тайёр. Эй, ақлли ота-оналар, шу телевизорни ёнингизда олиб ўтириб, ширин-ширин гаплардан сўнг, ўқиш ва ёзишдан сўнг кўрсатсангиз бўлмасмики? Энди ёдга тушдими? Бир кун кечикди

нилингизни ҳисобга оламиз, ота-онанинг ҳурматини қиламиз ёки эгаллаб турган мансабини ўйлаймиз. Ўқитувчиларнинг эса тили қисқалик қилади кўпинча, чунки бир вақтлар қуюқроқ саломаликлар бўлган эди ота-оналари билан.

Айтайлик, болангиз бир кунда ўғри номини олиб қолмайди, у олдин мева-чева, товуқ, велосипед, магнитофон сингари нарсалардан бошлаган, шуларнинг биронтасини ҳам кўрмадингизми? Бошига кийиб келган телпак ёки қўлига тақиб олган узук,

пенсиясини еб ётишлар, онасини зўрлаб ўлдиришлар, синглиси ёки ёш гўдаклар номусига тегишлар, ўз келини қўйнига киришларни осмондан, бошқа сайёрадан тушганлар қилмади. Ҳаммасини ўзимизнинг эрка ўғиллар, эрка қизларимиз қилишмоқда.

Журналистлар эса аксарият ҳолларда милиционерларнинг устига мағзава ағдаришдан бошқасига ярашмаяпти. Айниқса, Талабалар шаҳарчасидаги воқеалардан кейин бу авж олиб кетди. Худди ким-ўзарга ўйнашаётгандек. Бу эса ички ишлар идоралари ходимларининг халқ олдидаги обрўсини тўкишдан бошқа нарсага олиб келмайди. Обрўйимизнинг тўкилишидан эса биринчи навбатда халқ жабр кўради. Чунки ёмонизми, яхшиизми, бизнинг идорагина қонунбузарлар, жинойтчилар билан курашади. Мавқеимизнинг пасайиши эса ўшаларнинг тегирмонига суя қўяди, холос.

Келинг, эрками, якками, бойваччам, ҳаммага бирдай қараб, имон билан, инсоний қадру-қиймат билан фарзандларга таълим берайлик, текширайлик, яхши йўлга солайлик, ростгўйликка, ўзаро ҳурматга ўргатайлик. Ана шундагина жиноят камайиб қолар, балким.

Бизларда шунча жиноятчи бўлиши керак, деган буйруқ ҳам, план ҳам йўқ. Қанчалик тинчлик ва осойишталик бўлса, шунчалик бизга яхши.

Бу ерга эса ёшлар милициянинг айби билан эмас, ҳаммамизнинг хатомиз туфайли келиб қолишади.

С. КАРИМОВ,

Каттақўрғон шаҳар тергов ҳибсхонаси бошлиғининг тарбиявий ишлар бўйича ўринбосари ички хизмат майори.

БИЗ ОБРЎСИЗЛАНСАК, ХАЛҚ ЖАБР КЎРАДИ

ишдан ёки ўқишдан, индамадингиз, бир кун келмай қолди, индамадингиз, ичиб келди, индамадингиз, чекиб келди, индамадингиз, кунларни ҳафталарга айлантди, индамадингиз. Нега энди эса ҳар кун кўрмоқчи бўласиз? Бу меҳрибончилигинизни биринчи кечикиб келган кундан бошласангиз бўлмас эдимки? Шундай меҳрибон ўқитувчиларимиз ҳам борки, ҳибсхонага китоблар олиб келишади. Эй, меҳрибон мураббий, шунча йил таълим бериб, ўқишга меҳр уйғотолмадингиз, энди бу ерда ётган даврда эслаб қолдингизми?

Бу қора кўзларнинг биз билан «мулоқот»да бўлишларига бир кунда, бир соатда келиб чиққан ҳодиса, воқеа сабабчи эмас. Ҳар бир жиноят аксарият ҳолларда кўп йиллар давомида илдиз отиб боради, бунини билиб-кўриб индамаймиз, эркалигини, яккалигини ўйлаймиз, ён қўш-

соат ҳам бегонага тегишли эканлигини билмадингизми? Ичиб-чекиб келганини ҳам сезмадингизми? Дарсга келмаганда, ўқитувчи борганда, сиз, ота-оналар билмадингизларми? Йўқ, албатта, билдингиз, яширдингиз.

Милиция ходимлари ана шу сиз яхши кўрган эркалар, яка ўғиллар ва тантиқ қизларингизнинг қилган ишларини, нағмаларини ва тартибсизликларини охириги нуқталарида билиб қолишади, чунки энди хабар бердингиз. Яширишнинг иложи бўлмай қолди.

Машина олиб кетилди, ота-топки еди, она бечора дўппосланди, ёш қизларнинг номуси бузилди, уйга ўт кетди, тўполон чиқиб, қон тўкилди. Ана шу вақтда яқиндаги телефон ҳужрасини қидирасиз: «Мелисами, ёрдам беринг!!!»

Отани ўғил ўлдириб, кўмиб, устига дарахт экиб,

ШИШАДОШЛАР


Салават Баҳрутдинов эндигона 22 баҳорни кўрди. Лекин уйламай қилган иши уни суднинг қора курсисига судради.

Салават ўртоғи В. Каршин билан тўйгунча ичди. Биргалашиб дўконга ҳам боришди. Аммо қайтаётганларида гапи гапига тўғри келмай жанжал кўтарилди. Салават жаҳл устида қўйнидаги пичоқни олдида, ошансининг бўйнига санчди.

Яхшиямки воқеанинг кўчада бўлгани. Одамлар ҳушсиз йиқилган Викторни ўз вақтида касалхонага жўнатишди.

Тошкент шаҳар Ҳамза тумани халқ суди эса С. Баҳрутдиновни 5 йиллик муддатга озодликдан маҳрум этди.

М. ҲАКИМОВ.



СУРАТЛАРДА: ички хизмат майорлари Р. Қосимов, А. Маткаримов ва Р. Акрамовлар Тошкент шаҳар Ёнгинга қарши кураш бошқармаси навбатчилик қисмига тушган ташвишли хабар туфайли йўлга тушинди. В. ГРЕХОВ олган суратлар.

БУГҮН — ЎТ ЎЧИРУВЧИЛАР КУНИ

ФАЛОКАТ ВАҚТ ТАНЛАМАЙДИ

НАМАНГАН

Эрталаб 5.10 да хабар тушди. Наманган туманидаги 36-мактабнинг спорт залида ёнгин чиққан. Соат 5.40 да ўт ўчирувчилар оловни тизгинлашди, 7.30 да эса тилсиз «ёв» бутунлай бартараф этилди.

130 квадрат метр майдон ёниб, мактабга 4000 сўмлик зарар етди. Фалокат электр сизларининг уланиб қолиши натижасида рўй берган.

Чўст шаҳридаги «Гунча» болалар боғчасининг ошхонаси қозондаги ёнгин ёниб кетиши натижасида «сарик аждар» домиди қолди. Зарар 400 сўмни ташқил қилди.

АНДИЖОН

Асака тумани «Правда востока» жамоа хўжалиги деҳқони А. Мақсудовнинг уйида ёнгин чиқиб, 1000 сўм миқдорда зарар етди.

Сабаби оддий: газ плитасидан нотўғри фойдаланишган.

САМАРҚАНД

Шаҳарнинг Оби Раҳмат кўчасидаги уйлардан бирида оилавий жанжал натижасида ёнгин чиқиб, 4240 сўмлик мол-мулк ёниб кетди.

БУХОРО

Ғиждувон шаҳрида яшовчи А. Халиловнинг 4 квадрат метр айвони ёниб, 100 сўмлик зарар етди.

ТОШКЕНТ

Худди шу кунни бу ерда беш жойда ёнгин содир бўлди.

(Ўт ўчирувчилар фаолиятига бағишланган материалларни 2-саҳифада ўқийсиз).

ҚИСҚА САТРЛАР

НОМОЗХОНМИ?..

Январь ойида Самарқанд шаҳрида жойлашган Ҳожи Юсуф масжиди омборхонасига ўғриликка кирган номаълум шахс у ердаги газ плитаси, шамоллатгич, телефон, чойшаб ва жойномозларни «супириб» кетган эди. Кўп ўтмай ҳеч қаерда ишламайдиган С. исмли шахс ушланди.

ЯНГИ ДАВР ОДАМЛАРИ

Самарқанддаги «Янги давр» ширкати ишчиси маст ҳолда «Наврўз» акционерлик савдо-ишлаб чиқариш жамиятига қарашли 15-сон дўкондан нархи 700 сўмлик витринани уриб синдирди.

ҚАДРСИЗЛАНИШ

Тойлоқ туман Боғизагон матлубот жамиятига қарашли 5-сон дўкон сотувчиси харидор ҳақидан адашиб кетди. Бу 1525 сўмни ташкил қилди. Пулнинг қадрсизланиши адашишга ҳам таъсир қилмоқда.

САВДО

Пойариқ тумани Наримон кўрғонига истиқомат қилувчи Т. исмли шахс 4 қути «Астра» сигаретани 48 сўмга сотаётганда қўлга тушди. Унда бу маҳсулотнинг таги сероб экан.

С. ЗОҲИДОВ,
милиция капитани.

Бир суткада

ТОПИЛДИ

Шу йилнинг 11 март кунини Ўрта Чирчиқ туманига иш билан кетаётган эдим. Йўлда ёнилғи қуйиб олиш учун тўхтадим. Бензиннинг пулини тўлагани кетганимда, номаълум шахс «ВАЗ-2101» белгили машинани олиб қочди.

Йўловчи машинага ўтириб, мелисахонага бордим. Бор гапни айтдим. Тезда қидирув бошланиб кетди. Орадан бир сутка ўтгач, машина қайтарилди.

Уловимнинг топилишида Ўрта Чирчиқ тумани ИИБ ходимлари Бахтиёр Эрматов, Ўткир Ханжов, Мирҳаким Мингбоев, Комил Маражаповларнинг хизматлари катта бўлди.


Раҳмат сизларга, ўғилларим!

70 ёшли нафақадор
Ҳусан ҲАМИДОВ.

ОЛОВ БИЛАН КУРАШИШ ЖАСОРАТНИНГ ЎЗИДИР

Оловнинг кашф этилиши ҳақидаги ривоятлардан ҳаммамиз воқифмиз. Бир пайтлар оддий тошларни бир-бирига уриштириш натижасида чиққан учун бугунги кунда инсоннинг беминнат ёрдамчисига айланиб қолди. Унга шу даражада ўрганиб кетдикки, оловсиз бирор юмушимизни бажаришимиз кўп душвор, на бирор таом пишира оласиз, на бирор жойга бора оласиз, на...

саввур қилинг-а, бирор жойда ёнғин содир бўлди. Қопқора тутун кўкка ўрляпти. Табиийки, бу пайтда сиз ва биз кўпинча таҳликага тушиб қоламиз, бирда-иккида кўрмаганмизда. Қолаверса, тигиз паллада қандай йўл тутишни ҳам билвермаймиз. Шунда ўт ўчирувчилар жонимизга оро киришишади. Керак бўлса, азиз жонларини хавф остига қўйиб бўлсада, оловни бартараф қилишади. Ахир уларнинг бир



Суратларда: газ фавворасидаги ёнғинни ўчириш (чапда), темирйўл станцияларидан бирида содир бўлган авариядан сўнг ёнаётган нефтли цистернадаги ёнғинни ўчириш пайти.

В. ГРЕХОВ олган суратлар.

ХУШЁР ЎТ ЎЧИРУВЧИ

[Изоҳ: Ушбу шеърни бизга ўт ўчирувчи дўстлар юборишди. Уларнинг таъкидлашича, яқин ўн йиллар орасида шонларимиз ўт ўчирувчиларни «унутиб» қўйишган. Ростки, бу таъкидга биз ҳам қўшилишни истадик. Шунинг учун шеърга муносабат билдиришдан ўзимизни тийиб, уни чоп этишга жазм этдик].

Худди жанг майдонда,
Ишонч бор жавлонда,
Жасорат бор қонда —
Жасур ўт ўчирувчи,
Машҳур ўт ўчирувчи.
Баҳор, ёз, куз ва қишда,
Халқ яшар осойишта,
Чунки ҳар он ташвишда —
Бедор ўт ўчирувчи,
Хушёр ўт ўчирувчи.
Халқ мулкни асрайди,
Фалокатдан сақлайди,
Эл ишончин оқлайди —
Дастёр ўт ўчирувчи
Тезкор ўт ўчирувчи.
Ҳимматининг қутлаймиз,
Хизматининг унутмаймиз,
Шаънининг бахш
этгаймиз —
Алёр, ўт ўчирувчи,
Шунқор ўт ўчирувчи.

Исомиддин ЖУМАЕВ,
Ўзбекистонда хизмат
кўрсатган маданият хо-
дими.



Кулинг, ўртоқ капитан, ичакка эҳтиёт бўлиб кулаверинг! Дарвоқе, машинангизга сув солинганми ўзи?..

СУРАТДА: Ўзбекистон халқ артисти Бахтиёр Ихтиёров «Ким жинни?» кинокомедиясидаги ўт ўчирувчилар командаси бошлиғи ролида.

Р. ВИВИШЕВ олган сурат.

ҚЎЛИ БАЛАНД КЕЛСИН ҚАДРИ БАЛАНДНИНГ

Хуллас, бу ҳақда кўп гапириш мумкин. Аммо ҳар қандай яқинликда ҳам меъёр, чегара бўлиши керак. Олов билан билиб муносабатда бўлсангиз, ҳар қандай ишни бир зумда адо этишингиз мумкин, агар эҳтиётсизлик қиладиган бўлсангиз, у сизнинг энг ёвуз душманингизга айланадигани, бир неча сония ичида ғоят зарар етказишга қодир.

Аввало мингта мисолни кўрган бўлсакда, ҳаммамиз ҳам эҳтиёткорлик қилавермаймиз, мавжуд тартиб-қоидаларга риоя этавермаймиз. Қолаверса, фалокат оёқ остида деган гаплар ҳам бор. Жумҳурият ИИБ ёнғиндан муҳофаза қилиш бошқармаси ходимлари ана шундай кўнгилсизликларнинг олдини олишга, иложи бўлмаганда эса мумкин қадар тезроқ бартараф этишга масъулдирлар.

Бу касб соҳибларининг беминнат хизматларини инкор этишга ҳеч кимнинг ҳаққи йўқ. Зеро ойна этак билан ёпиб бўлмайди. Та-

неча юз миллион сўмлик бойликларни сақлаб қолганларига, кўплаб юртдошларимизни бурқсиётган тутун орасидан олиб чиққанларига «мисол» ғиж-ғиж. Дарвоқе, бундай иш услуби, яъни бурчга садоқат ҳисси Мелиқўзи Жўраев, Оқойдин Аҳмедов, Муҳаммад Арслонов, Юрий Супрягин каби фахрийлардан мерос бўлиб қолган. Энди эса уларнинг ишини Самад Саидов, Вячеслав Лукин, Анатолий Артюхов каби ҳозирги авлод вакиллари давом эттиришапти. Ҳаттоки удар жаҳон аҳлининг эътиборини тортган Мингбулоқ нефть фавворасини жиловлашда ҳам жонбозлик кўрсатишапти.

Ёнғиндан муҳофаза қилиш...

Бу хизмат ходимлари вазифаси шу номдан ҳам маълум. Бу доимо сергак турини, бирор жойдан хабар келдими, дақиқани ўтказмасдан йўлга отланиш дегани. Қисқаси беаёв душман билан беаёв кураш дегани. Биз эса ана шу курашларда доимо қўлингиз баланд келсин, деб ният қиламиз.

Кулинг-а, кулинг. Нима, иш йўқми? Илоҳим, сизларга иш қолмагани рост бўлсин-э.

Бундай олиб қараганда, ўт ўчирувчилар касбининг турган-битгани ташвиш. Шунақа хизмат бу. Чидаган, жиддақурса, бир марта ишлаб кўрсин, билади. Қанийди, «ёнғин» деган сўзни луғатимиздан бутунлай ўчириб ташлай олсак. Тил бойлигимиз битта сўзга камайса камайибдида. Афсуски, қўлимиздан келмайди. Иложи йўқ. Паришонхотирлигимиз, бепарволигимиздан фориг бўлиш осон эмас.

Шунинг учун ҳам ёнғиннинг олдини олишда жон куйдириб ишлаётган йигит-қизларимиз меҳнатига чин дилдан хайрихоҳимиз. Уларга ажойибдан ажойиб тилаклар билдирамиз.

Ҳурматли, ўт ўчирувчилар! Сизларга умуман иш қолмасин. Қип-қизил, нарвонли машиналарингиз турган жойида занглаб кетсин, ўт балоси даф бўлсин-у, сизнинг «қаҳ-қаҳ»дан очилган оғизларингиз қайта юмилмасин. Омон бўлинглар! Бизнингча, бундан ортиқ тилак бўлмаса керак, нима дедингиз?

Бугун ўт ўчирувчилар кун. Мен эса шу муносабат билан уларни, қолаверса, жумҳурият ИИБ ҳузуридаги «Қўриқлаш» бирлашмаси ходимларини ҳам муборакбод этмоқчиман. Бу фикрим баъзиларга эриш туюлиши мумкин. Аслида эса...

Китоб тумани ИИБ ҳузуридаги қўриқлаш бўлими марказлашган соқчилик пултига ташвишли сигнал тушди. Милиционерлар шошилиш равишида матлубот жамиятига қарашли «Гўзал» кўпмолли дўконига етиб боришди. Айни тонг палтаси бўлишига қарамасдан, чор-атрофни қопқора тутун қоплаган. «Сариқ аждар» дўконни гўёки ямлаб ютишга қарор қилгандек.

Қўриқлаш бўлими икки ходими аввалига талвасага тушиб қолишди. Аммо бу ҳолат узок давом этмади. Ўт ўчирувчилар етиб келгунларига қадар кўл қовуштириб ўтириш ярамайди. Икковлон ўт-

БИЗГА ҲАМ БАЙРАМ БУГУН

ни бартараф этишга киришиб кетишди. Шу тариқа умумий нархи 1 миллион 200 минг сўмлик моллар сақлаб қолинди.

Фарғона вилоятидаги ёнғиндан сақлаш хизмати ходимлари ҳаммаксамларимиз кўмагидан ғоят мамнун бўлишди. Ҳамкорликда қилинган ҳаракат тўғрисида Япон шаҳридаги 2-кўпмолли дўконда, Олтиариқ туманидаги 13-аралаш моллар дўконидан рўй берган ёнғин устидан тула ғалаба қозонилди.

Марғилон шаҳар ИИБ ҳузуридаги қўриқлаш бўлими ходимлари — МСП наватчи назоратчиси М. Султонов, милиция сержантлари А. Сайдаров, Ғ. Исроилов, М. Аҳмедовлар ҳам вақтни бой бермай 82-озик-овқат дўконидан ҳозир бўлишди. Дўкон эшиги

олов исканжасида қолган экан. Шиддатли кураш оқибатида кутилмаган фалокат ожизлик қилди. Қарангки, орамизда нияти қора кимсалар ҳам борда, кимдир соларқа куйиб, гугурт чаққан экан.

Утган йилнинг ўрталарида «СССР 60 йиллиги» номли тикувчилик фабрикасида рўй берган воқеа ҳали-ҳануз бухороликлар тилидан тушмайди. Олов корхонанинг пул сақланадиган хонасини ҳам забт этган. Ф. Хўжаев тумани ИИБ ҳузуридаги қўриқлаш бўлимида етиб келган милиция катта лейтенанти К. Ҳамроев, милиция сержантлари Д. Саидов, С. Бобожонов, А. Шароповлар ҳақиқий қаҳрамонлик намуналарини кўрсатдилар. Бу ерда мутлақо муболага йўқ. Улар ҳаётларини

хавф остига қўйиб бўлсада, кассадаги пул сақланадиган темир қутини ва муҳим ҳужжатларни ташқарига олиб чиқишга муваффақ бўлдилар.

Ангор тумани ИИБ ҳузуридаги қўриқлаш бўлими милиционерлари К. Пардаев ва З. Тўрақуловлар муҳофазадаги объектларни айланиб юришганди. Матлубот жамиятининг 2-дўкони ёнидан ўтишайтганда, ичкаридан ўт чиқаётганини кўриб қолишди. Уйлаб ўтиришга вақт қайда дейсиз, атроф қоп-қоронғи бўлишига қарамасдан электр симини узиб ташлашди. Фалокат ҳақида раъядан ИИБ наватчилик қисмига хабар қилишдида, оловни тизгинлашга ёнғин шимариб киришиб кетишди. Шу тариқа давлатнинг 200 минг сўмлик мол-мулки увол қилинмади. Ўт ўчирувчилар

БИЗНИНГ МУАММОЛАР

Яқинда пойтахтимиз — Тошкент шаҳрида ёнғиндан сақлаш бошқармаси (ЕСБ) техник меъёр амалиёти бўлими ходимларининг ташаббуси билан ўзига хос анжуман бўлиб ўтди.

Анжуман ишида қатнашган барча мутахассислар лойиҳа тархлари (сметалари) ва қурилиш жиҳозларининг баҳоси кундан-кунга ошиб бораётганлиги аниқ қурилиш ишлари кетаётган бир паллада, турли хил муаммоларни келтириб чиқараётганлигини алоҳида таъкидладилар. Жумладан, ёнғин хавфсизлигини таъминлаш бўйича кўзда тутилган ишларни бажариш маблағ масаласига бориб тақалапти.

Иштирокчиларнинг берган турли хил саволларига жумҳурият ИИБ ЕСБ бошлиғининг ўринбосари ички хизмат полковниги Р. Аблязис жавоб бера туриб, жумладан шундай деди: «Биз маблағ томонданми ёки бошқа масалада қандай муаммоларга дуч келмайлик, бари-бир халқ мулкни ва ҳаётини ёнғиндан сақлаш олдимизда турган аниқ, ягона мақсаддир. Мақсадни амалга ошириш эса бурчимиз».

Ҳозирда автоматик равишда ёнғиндан хабар берувчи ускуналардан фойдаланиш инкор этиб бўлмас зарурят бўлиб қолди. Бу борада далил қадамларни ташлаш муҳандисларнинг олдида муҳим вазифа қилиб қўйилди.

Техник меъёр амалиёти ишлари бўлими ходимларининг асосий вазифаси барча лойиҳа ишларини назорат қилиб, ёнғин хавфсизлигини таъминлаш бўйича керакли маслаҳатлар беришдан, шу лойиҳаларда йўл қўйилган хатоларни тўғрилашни қатъиян талаб қилишдан иборат. Чунки қурилиш ишининг бошланишига ана шу лойиҳа асос бўлади.

Утган йили ва шу йилнинг уч ойи мобайнида 32 та лойиҳалаш олий илмгоҳлари текширилиб, 452 бор хатога йўл қўйилганлиги аниқланди. Ишлаб чиқариш корхона ва идораларида олов чиққанлиги ҳақида автоматик равишда хабар берувчи мосламалар ёки автоматик равишда сув сачратиш, кимёвий моддалар ишлатиш усули билан оловни ўчирадиган воситалар бўлиши керак.

Бундай мосламалар билан бугунги кунда 74 минг халқ хўжалик ва давлат муассасалари жиҳозланган (82 фонз).

М. ИБРОҲИМОВ,
Ўзбекистон ИИБ ЕСБ бош
мутахассиси ички хизмат
майори.

етиб келишганда, уларга деярли иш қолмаганди.

Ургач шаҳридаги ҳамкасбларимиз — милиция сержантлари С. Матёкубов ва Ю. Оллоёровлар ҳам ёнғиндан муҳофаза қилиш ходимларига беминнат кўмак бердилар. Шу тариқа шаҳардаги 9-дўконнинг қули кўкка соғурилмади.

Кўрдингизми, хизматимиз мазмун-моҳияти жиҳатидан бутунлай бошқа бўлсада, тилсиз «ёв» билан беллашган пайтлар кўп бўлади. Биргина ўтган йил давомида йигирмага яқин ана шундай бахтсиз ҳодисаларнинг олди олинди. Бир қараганда бу рақам ғоят кичик, аммо шу рақам замирида бир неча миллион сўмлаб эл-юрт бойлиги турибдики, уларни омон сақлашда ташаббускорлик ва мардлик кўрсатганларга тасанно айтмасангиз, иложи йўқ.

Элшод РАҲМАТОВ,
милиция майори.

БАХТСИЗ ХОДИСАМИ?..

— Каналдан машина топилиди, ҳайдовчиси ўлган, тезда етиб келинлар...

Шу йилнинг 18 февраль кунини кеч соат 17 да Комсомол тумани ички ишлар бўлимининг навбатчилиги қисмига ташвишли хабар тушди. Тезкор гуруҳ ўша заҳотиёқ фожиа содир бўлган жой — «Ленинград» давлат хўжалигининг «ГЭС» қишлоғига етиб келишди.

Қишлоқ ўртасидан оқиб ўтувчи Киров номли канал бўйи кишилар билан гавжум эди. Сувдан давлат рақами 31-39 СИЛ бўлган оқ рангли «Москвич» енгил автомашинаси тортиб чиқарилди. Улов эгаси тумандаги «Москва» давлат хўжалигида яшовчи, 1955 йилда туғилган Аҳмад Алимов эканлиги маълум бўлди.

Хўш, бу фожиа қандай рўй берди ўзи? Бахтсиз ҳодисанинг сабаби нима? Биз ўзимизни қизиқтирган ушбу саволга жавоб топиш мақсадида туман ички ишлар бўлимининг навбатчиси милиция майори Қурбон Турдиевга мурожаат қилдик.

— Ички ишлар бўлимига ҳозирча марҳум Аҳмад Алимовнинг 2 январь кунини зарур юмуш билан уйдан чиқиб кетиб, қайтиб келмаганлиги маълум, — дейди милиция майори Қ. Турдиев. — Аммо у қариндош-уруғлари томонидан қидирувга берилмаган. Ҳозирча қар хил гап-сўзлар ўрмалаб юрибди. Фалокат сабаблари жиноят қидирув гуруҳи ва туман прокуратураси томонидан текширилмоқда.

А. НОРҚУЛОВ.

КИССАДАГИ ЗАҲАР

Урта Чирчиқ тумани ИИБ ходимлари туман марказида дайдиб юрган шубҳали шахснинг бўлимига олиб келишди. Маълум бўлишича, у Олмалик шаҳрида истиқомат қиларкан. Илгари ҳам судланган Р. Воҳидов киссасидан 250 грамм марихуана топилиди.

Туман халқ суди Р. Воҳидовни 2 йилга ахлоқ тузатиш ишларига ҳукм этди.

Ҳ. МАҲМУДОВ.

Бир пайтлар офтобда қаттиқ ялашган оғайнилар Жўраназар Ғойбназаров ҳамда Худойберди Қозоқовлар Поп шаҳрида иттифоқо учрашиб қолдилар. Қучоқлашиб кўришганларидан сўнг гап гапга уланиб кетди. Орадан бирмунча вақт ўтгач, икковлари ҳам Чустга боришга қарор қилишди.

Ҳозирги замонда бир неча ўнлаб километр масофа ҳеч нарса эмас. Хоҳлаган жойингга бораверасан. Фақат истак бўлса бас. Автобус ҳам ҳаялламай уларни Чустга элтиб қўйди. Икки ўртоқ кафега киришди ва хумордан чиқиб суҳбатлашди. Уртада бир пиша ароқ, Майдалашди. Тиниқ пиша ичида жилва қилаётган оғу охираган сари уларнинг ҳам тиллари чулдираб борар, кўзлари биё-биё қилиб қолганди.

Ширингина бўлиб ташқарига чиқибди. Иккови ҳам бўлар-бўлмасга ҳадеб иршаар, бир-бирига гал бермай гапирарди. Қўллар эса бир-бирининг елкасида.

Шу пайт бир йигит «Минск» белгили мотоциклни патиллатиб келиб қолди. «Спорт моллари» дўкони қаршисида уловини қолдириб, ўзи ичкарига кириб кетди.

Жўраназар бу сафар шеригига сергак боқди.

— Мен уни чалғитиб турарман. Сен эса мотоциклни боққа олиб бор! — деб тайинлади ва дўкон томонга шахдам одимлади.

Тўшунган одамнинг садағаси кетсанг арзийди. Худойберди ҳам ўртоғининг кўнглидан ўтаётган мақсадни тилига чиқармасдан олдинроқ англаб етганди. «Маъқул» дегандек бошини қимирлатиб қўйдию ишга киришиб кетди.

АЙБИГА ИҚРОР ЭМАС

Ҳамма иш хамирдан қил суғургандек осон кўчди. Ғойбназар Худойбердини кўп кутдирмади. Икковлон 73-46 НАА рақамли ўғрилиқ мотоциклга мингашиб, Попга қараб учирди. Ўша кунини Поп меҳмонхонасида тунашди. Шу ерда мотоциклни Қўқонда пуллашга келишиб олишди.

— Эртаси кунини Қўқонга қараб йўл олдик, — дейди Худойберди айбига иқрор бўлиб. — Йўлда Жўраназар совқотиб қолди. Ўша ерда учрашимизни айтиб, орқамиздан келаётган машинага чиқиб кетди. Мен эса Фрунзе туманининг Қудуқ қишлоғига етиб келганимда,

мотоцикл бузилиб қолди. Харчанд уринмай тузатолмадим. Кейин шу ерлик Нўмонжон Муқимовга 270 сўмга пулладим. Қўқонга бордимда, ўзимни кутиб турган шеригимга бўлган воқеани айтиб, 140 сўмни узатдим. Менинг тўрт нафар болам бор, енгиллик беришларингизни сўрайман.

Аммо жиноятнинг асосий ташаббускори бўлмиш Жўраназар айбига иқрор бў-

соат 6-7.30 ларда Попга келсам, Қозоқов мотоциклда турибди. Ўша кунини меҳмонхонада қолдим ва унга мотоциклни эгасига қайтариш зарурлигини яна бир марта тайинладим. Кейин нима бўлганини билмайман. Бу ишни Қозоқовнинг ўзи қилди. Менинг ҳеч қандай алоқам йўқ.

— Терговда бошқача кўрсатма берган эдингиз-ку? — сўрашди ундан.

Бу саволга ҳам Ғойбназаров аввалдан тайёрлаб қўйган жавобини тўкиб солди.

— У пайтда мени мажбур қилишди. Собитхон деган милиционер орқамга резина таёқ билан уриб, қўрқитди. Кейин у нима деса, шунини ёзиб, имзо чекканман.

Чўкаётган одам сув юзасидаги хасга ёпишаркан. Жўраназарнинг бу уйдирмалари ҳам шундан ўзга эмас эди. Зотан, суд ҳайъатининг қўлида рад этиб бўлмас далиллар, ҳужжатлар бор эди. Уларнинг ҳаммаси судланувчилар айбини ҳолис баҳолаш учун етарлидир.

Шундай қилиб, ҳар икки йигитга Ўзбекистон жиноят мажмуаси 125-моддаси 2-қисмига асосан айб қўйилди. Ғойбназаров икки, Қозоқов бир ярим йил муддатга озодликдан маҳрум этилди. Раҳмонали ҚОСИМОВ.



— Ҳа, хизматлар яхши ўтди.

— Ўзимми? Ўзим Шаҳрисабзданман.

— Шаҳрисабзда ота-онам, ака-укаларим...

Асқар ва Исмаиулалар бир-бирларига маъноли қараб олишдию безбет ҳайдовчилар халқсини ёриб ўтишди.

— Э, эсон-омон келдингми, земляк! — деб солдат билан қучоқлашиб кўришди.

Бири унинг жомадонини, иккинчиси эса спорт сумкасини кўтариб олиб, йўл бошлашди. Фавқулодда ҳамшаҳарларига дуч келиб қолган Пирматов эса уларнинг ортидан эргашди.

— Булар жуда устасифаранг бўлиб кетишган, — деди Исмаиул Пирматовга қараб. — Сал бўш келсанг, ёнингга борини шилиб олишди.

— Майли, шунақа қилиб пишасанда, оғайничалиш, — дея Асқар ҳам гапга қў-

шилди. — Биз сени ҳозир нариги вокзалга олиб борамиз. Учовимиз билет оламизда, эртага Ватанга жўнаймиз, келишдикми?

Пирматов маъқул дегандек бошини лиқиллатди.

Икки йил ўзгалар юртида, етти ёт бегоналар орасида нонини топиб еган Пирматов бу сафар алданди. Ерости йўлининг «Ўзбекистон» бекатига келганда, янги дўстлари унинг жомадони ва сумкасини кўтарганча хайр-маъзурни насия қилиб тушиб қолди.

У эса улгурмади. Навбатдаги бекатда тушиб, ортга қайтди, излади, излади — ҳаммаси бекор кетди. Эртаси кунини эса «Шимол» шохбекатдаги ИИБга мурожаат қилди.

Кейин битта милиционер билан айланиб юриб, ноғохон Исмаиулани учратиб қолди. Эртаси кунини эса Асқар ҳам қўлга олинди. Мусофирчиликдан қайтган Пирматовга етказилган 910

сўмлик моддий зарар қопланди. Эгриқўллар ўмарилган нарсаларни ўзлари вақтинча яшаб турган ётоқхонадан қелтириб бердилар.

Ниҳоят, Октябрь тумани халқ суди ана шу ишни муҳокама қиладиган кун ҳам етиб келди. Айбланувчи Жовлиевга сўз берилди.

— Гуноҳимга иқрорман, — деди у қизариб-бўзариб.

— Метронинг «Ўзбекистон» бекатида биз тушдик, у эса улгуролмай қолди. 10-15 минут кутдик. Келавермагач, Талабалар шаҳарчасига жўнадик. Пушаймонман.

— Тўғри, ўша кунини Пирматовга нисбатан аҳмоқлик қилиб қўйдик, — деди иккинчи айбланувчи Азизов.

— Буни кейин англаб етдим. Эртаси кунини уни қидириб ўзим топтоқчи бўлдим.

Нимани эксанг, шунини ўрасан, дейди доно халқимиз. Суднинг қора курсида улар ўзларини нима деб оқласалар ҳам, муқаррар жазодан қочиб қутула олмадилар. Жиноят, мажмуасининг 42-моддасига асосан уч йилга озодликдан маҳрум этилдилар.

Шундан сўнг суд ҳайъати ҳар иккисининг оилавий шароити оғирлигини ҳисобга олиб, уларга белгиланган жазони 23-модданинг 2-қисмига асосан шартлига айлантирди.

Жазо муддати ҳам ўтиб кетар. Аммо кейин улар яна ўзлари туғилиб ўсган Шаҳрисабзга боришлари керак. Ўшанда бир пайтлар ўзлари сарсон қилган Пирматовга дуч келишса, қай аҳволга тушарканлар?

Маҳкам ҲАКИМОВ.

Устма-уст чалинган машина товушига югуриб чиққан Фахриддин Раҳимни кўриб ҳайрон бўлди.

Саломлашгач, «меҳмон» мақсадга кўчди.

— Тунов кунини машинамага эҳтиёт қисмлари керак дегандинг. Ўзимизнинг сотмоқчиман.

— Нега? Ўшанда ҳеч нарса демаяндинг-ку?

— Э, биласанми, ўзи бузуқ эди. Амаллаб юргизиб турувдим. Барибир бўлмаскан. Мана ҳозир ҳам бузилиб, йўлда қолиб кетдим.

— Ўғрилланмаганини ишқилиб?

Мен уни машинани ўғрилланмаганлигига, ҳақиқатдан ўзимники эканлигига буткул ишонтирдим. Сўнгга биргалашиб уловини кўрдик. 4000 сўмга келишдик.

(Раҳимнинг кўрсатмасидан).

Биргалашиб уни юк машинасида тортиб, Ғиштиқрик қўргонидан та-

ниш устанига келтиришди. Уста нимадандир шубҳаланиб, улов ҳақида сўра-суриштира бошлади. Раҳим уни ҳам ишонтира олди. Бироқ Фахриддиннинг зорагига яна гулу оралади.

Йўлда Раҳимга юзланди.

— Оғайни, яхшилигинг учун раҳмат. Аммо эртага машинанинг ҳужжатларини олиб келсанг. Мабоодо чув тушиб қолмайин. Ҳозирча 400 сўм бериб тураман. Ҳужжатларини келтирсанг, қолганини оласан.

Шундай дея у уйдан 400 сўм олиб чиқиб, Раҳимга узатди. Кейин бу ерда унинг қорасини биров кўрмади.

Ҳамтовоғи Равил билан бирга бўлган пул иккисининг яхшилаб овқатланишига етди, холос. Сўнгга Раҳим Чимкентга кетди.

Орадан бир ойларча вақт ўтгач, пул

зарурати туғилди. Раҳим Равилнинг ҳузурига елди.

Ҳамтовоқлар темир арра ва монта-ровкалар билан қуролланишиб, фуқаро Ботманнинг гаражига келишди.

Темир аррага гаражнинг ошиқ-моши-ғи дош беролмади.

Ичкари кириб қарасам, «ВАЗ-2105» белгили «Жигули» турибди. Симларини тўғрилаб ўт-олдирсам, олмади. Қарасам, ўри-дик тағига массага сий тортилиб, кнопка қўйилган экан. Шу кнопка-ни босиб, ўт олдиридим. Тормоз ва сцеплениеи қўлқаб қўйилган экан. Амаллаб биринчи тезликда уйнинг олдиғача ҳайдаб келдик.

(Раҳимнинг кўрсатмасидан).

Йигитлар бежавотир жойга келиш-гач, қулфларни бузиб ташлашди. Улов-

ни бир неча кун миниб, хумордан чиқибди. Ота-онаси ўғлининг бирданича машинали бўлиб қолганидан ҳайрон бўлишиб сўрашганида: «Оғайнимини», — деб қўя қолди.

Раҳим харидор қидира бошлади.

— Машинани сотсам, пулнинг ярми сеники, — дея Равилга 100 сўм бериб юборди.

Лекин унга харидор топиш насиб этмади. Чимкент шаҳрида ДАН ходимлари уловини тўхтатишиб, ҳужжат сўрашди. Шундай қилиб Раҳим Тошкент тумани ИИБ ходимлари қўлига топирилди.

Тошкент тумани халқ суди 1963 йилда туғилган, ҳеч қаерда ишламайдиган Раҳим Абдуразоқов ва унинг ҳамтовоғи 1966 йилда туғилган, ҳеч қаерда ишламайдиган Равил Собировларни қил-мишига яраша жазолади.

М. ИСРОИЛОВА.

ҲУЖЖАТ БАҲОНА

СПОРТ— ТИНЧЛИК ЭЛЧИСИ

Ўрта махсус милиция мактабда ўтказилаётган турли учрашулар талабаларнинг мушоҳадасининг кенгайтириб қолмай, дам олишларига ҳам ижобий таъсир қилмоқда. Кун кеча мактаб клубида «Спорт тинчлик элчиси» деган мавзуда қизиқарли учрашув бўлиб ўтди. Мазкур тадбир милиция подполковниги, спорт устаси Эркин Отабеков ташаббуси билан уюштирилди. Таклиф қилинган меҳмонлар орасида бир неча бор жаҳон чемпионлари, хизмат кўрсатган спорт устаслари, таниқли спортчилар — А. Загреддинов (велоспорт бўйича), В. Аннин (курашчи), С. Заболотний (сузиш бўйича)лар бор эди. Улар ўзлари қатнашган мусобақалардан ҳикоя қилиб, талабаларни қизиқтирган барча саволларга жавоб бердилар. Учрашув сўнггида ёш спортчилар ўз маҳоратларини намоён қилишди.

М. МИРАХМЕДОВ.

СУРАТДА: ана шу учрашувдан лавҳалар.

Сураткаш Қ. АЛИЕВ.



ҲАММАМИЗ УЧУН ИБРАТ

Донолар бежиз ҳаётни оқар сувга қиёс этишмаган. Сихат-саломатлик, тинчлик-хотиржамлик бўлса, кундалик юмушлар билан чор-атрофга югуриб, вақтни ўтказаверар экансан. Хаттоки ўзинг билан ёнма-ён ўтирадиган, гоёт қадрдон бўлиб қолган ҳамкасбига ҳам эътибор қилмас экансан. Унинг нурли чеҳрасига йиллар улғуворлик кўланкасини ташлаганини ҳам пайқамай қоларкансан.

Биз ҳам сал бўлмаса содиқ дўстимиз, маслакдошимиз Шерали Ҳусанбековнинг муборак туғилган кунини яқинлашиб қолганини унутай дебмиз.

Шерали аканинг таржimai ҳоли бошқаларники каби оддий: 1942 йилнинг 20 апрель кунини пойтахт вилоятининг Қибрай туманида таваллуд топган. Ҳамма қатори ўрта мактабни тугаллагандан сўнг ҳарбий хизматни ўтаган. Меҳнат фаолиятини «Ўзбекхлопкомаш», сўнггра лак-бўёқ заводларида бошлаган. 1964 йилда эса Тошкент политехника олий билимгоҳида таҳсил ола бошлаган. 1969 йилдан бери ички ишлар соҳасида хизмат қилиб келмоқда. Айни кунларда эса жумҳурият ИИБ ДАНБда йўл ҳаракатини ташкил қилиш бўлими катта инспектори, унвони эса милиция подполковниги.

У кишининг бир неча



марталаб собиқ иттифок ва жумҳурият ИИБ фахрий ёрлиқлари, пул мукофотлари билан, биринчи ва учинчи даражали «Халол меҳнати учун» медали билан тақдирланганини қўйверинг. Биз учун энг ибратлиси, Шерали аканинг жамоамиз ўртасида қозongan хурмат-эътибори, катталарга чин маънода ука, кичикларга эса ака бўла олганлиги.

Ана шундай инсон азиз умрининг эллагинчи баҳорини қаршиламоқда. Биз унга яна камида шунча йиллик умр тилаймиз. Бахтимизга соғ-омон бўлинг, Шерали ака!

ИИБ ДАНБ ходимлари.

Пешонасига шу ёзилган эканми, ҳарқалай Фотимахоннинг биринчи турмуши бузилди. Қўшнинг ҳам ини бузилмасин, деган нақл бежиз эмас экан. У кўпинча отадан тирик етим бўлган ўғли Неъматиллага қараб ич-ичидан эзилар, ёлғиз қолган пайтларида эса кўзларидан оққан жолаларни тўхтатишга қурби етмасди. Аммо на иложки, осмон йироқ, ер қаттиқ бўлса!

Худонинг ўзи ҳамма жонзотни жуфти билан яратган. Ёлғизлик унинг ўзигагина муносиб. Фотимахон узоқ давом этган мулоҳазалардан сўнг Бувайда туманининг Алимерган қишлоғида яшовчи Ўқтамжон Раҳимовга иккинчи бор турмушга чиқди. Бу ёғи бизга қоронғу, аммо ҳар ҳолда тўйдан олдин биттагина боласига озор бермаслик ҳақида Ўқтамжоннинг ваъдасини олгандир. Агар шу рост бўлса, Ўқтамжон ваъдасининг устидан чиқди. Жуфти ҳалоли бўлган аёлнинг боласига бирор марта қаттиқ-қуруқ гапирмади. Эҳтимол у шу ўринда танитилган раҳмдиллигини ошириб юбориб, хатога йўл қўйгандир. Бир нарса дейиш қийин. Аммо Неъматилла ўзи хон, кўланкаси майдон бўлиб қолди. Бўйи теракдай бўлса ҳамки, бирор жойга кириб ўқишни ёки ўзига яраша иш топиб, меҳнат қилишни ҳаёлига келтирмади. Онаси шу ҳақда бир марта оғиз очганди: «Мен билан нима ишинг бор?» — дея пичоқ олиб қувлади. Шу-шу унинг ҳам чакаги ёпилди. Ҳаёт жумбоқликларга тўла. Неъматиллага ҳеч ким

халақит бермасида, ўз олдидаги муаммони ечишга ожизлик қилиб қолди. Яшаш керак. Яшаш учун пул керак. Онасию ўғай отаси берадиган пуллар ҳеч нарса бўлмайди. Кўпроқ керак унга. Аммо қаердан топсин?

Илму ҳунари, бирор касби бўлмаган инсон фарзанди олдида бундай пайтда биттагина йўл қолиши кўп марта исботини топган. Ўғрилиқ. У ҳам шу йўлдан борди. Қўшниси Даминжон Аюповнинг уйидан «Электроника-302»

Туманимизда ижита содда одам бўлса, бу киши биттаси, агар биттагина содда одам бўлса, ўша ҳам шу — Туробжон экан. Неъматилланинг ўзимизники деганига ишониб, унинг буюмини шу қишлоқлик Холдорали Раҳматуллаевга 350 сўмга сотиб берди. Аммо бу сафар текин луқма Неъматилланинг томоғига тиқилиб қолди.

Халқ суди шу йил 20 февраль кунини бу ишни кўриб чиқди. Ишламай ютиш

ҚОҚИЛИШ

белгили магнитофонни касетаси билан ўғирлаб чиқиб, ҳамқишлоғи Бурхонжон Алиевга 140 сўмга пуллади. Текин пулни бир ой мобайнида майда чайнадию мазасига ўрганиб қолди. Қолаверса, бу ишнинг ҳидини ҳеч ким сезмади. Демак, навбатдаги «ижодий режалар» сари йўл очиб эди унинг учун.

Ўтган йил 6 декабрь кунини кечаси соат 24 ларда қўшниси Каримжон Эргашевни кига «қадам ранжида» қилди. Каримжоннинг минг сўмга сотиб олган «Латтале» деган электр рандасини ўмариб чиқди. Эртаси кунини эса ҳамқишлоғи Туробжон Тожиёвни кига борди.

— Мана шу рандани сотиб берсангиз, пули керак бўлиб қолди. Кроссовка олмоқчийдим, — деди.

га ўрганиб бораётган йигитчани жиноят мажмуасининг 125-моддаси 2-қисмига асосан уч йил муддатга озодликдан маҳрум этди. Аммо 44-модданинг 1-қисми ҳам татбиқ қилиниб, ҳукм ижроси икки йилга кечиктирилди. Судланувчининг ёшлиги инобатга олинди.

Аммо Неъматилланинг ўзи бу ғамхўрлигу меҳрибонлигини инобатга олмади-да. Атиги уч кун ўтгач, Янгиқўрғон қишлоғида Нодиржон исмли бола билан танишди. Отаси уйдан ҳайдаб юборганлигини, ҳозир ётишга жойи йўқлигини айтиб, кўзёши қилди. Буни кўриб, Нодиржоннинг юраги селдек оқди. «Бечоралар ичра бечора» ўртоғини тўппа-тўғри ўз уйига бошлаб келди. Неъматилла 23 февралдан 6 мартга қадар шу ерда меҳмон бўлиб юрди. Бу даврда

нархи уч минг сўм бўлган «Токио» номли электр мусиқа асбобини кўз остига олиб қўйганди. Ниҳоят, шунча кун бошпана бергани учун раҳматлар ёғдириб, ўртоғи билан хайрлашиб чиқиб кетди. Аммо уйига бормади. Кечгача туман марказидаги ўйингоҳда ўтирди. Соат 23 ларда миёсида пишиб етилган режасини амалга оширишга чоғланди. Нодиржонларнинг ҳовлисига чорбор томондан кириб келди. «Токио» турадиган уйга яқин

лашди ва эшик тепасида осилиқ турган калитни олиб, ичкарига кирди. Кўзига олов бўлиб кўринган буюмни қўлтиқлаб, боғи йўл билан чиқиб кетди. Маст уйқуда бўлганликлари учун бу ҳодисани ҳеч ким сезмади.

Неъматилла мусиқа асбобини маҳкам қучоқлаганча липиллаб кетаётганда, бир гала одамларга дуч келди. Бейхитёр ўзини симёроқнинг панасига олди. Аммо бу ҳаракати ўша одамларда шубҳа уйғотди. Уни ушлаб, милиция бўлимига олиб келишди.

Яна суд бўлади. Аммо бу сафар унинг ёшлиги инобатга олинди-ми? — номаълум.

Тасавуур қилинг, оилада чақалоқ туғилди. Бадани момиқина, кўл-оёқлари дўм-

боққина чақалоқ. Тишсиз оғзини очиб, йиғлапти. Айтинчи, ким ўша боланинг келажакини айтиб бера олади? Орадан йиллар ўтиб, у олим бўлар ёки ўғри — буни ҳеч ким билмайди. Неъматилла ҳам бир пайтлар шундай эди-ку?! Наҳотки у тўғрилиқни эмас, ўғрилиқни танлади? Атрофдаги кишиларнинг бепарволиги бунинг биринчи сабабидир. Таажжубдан ёқа ушлайсан киши, у 13 кун уйда бўлмабдию онаси ҳам, ўғай бўлсада отаси ҳам хавотир олишмабди. Нотаниш боланинг кимлигини сўрамай-суриштирмай уйдан жой берган Нодиржоннинг ота-онасига ҳам қойил қолмай илож йўқ. Унинг олдинги ўғрилиқлари ҳам айнан ўзи яшаётган қишлоғида, ҳамқишлоқлари кўз ўнгидега содир бўлгану ҳеч ким сезмаган.

Энди шу пайтгача журъатимиз етмаган, аммо тилимизда турган бир гапни ҳам айтиб олайлик. Бунинг учун Неъматилланинг ота-оналари бизни маъзур тутишсин. Эҳтимол Фотимахоннинг биринчи турмуши бузилмаганида, Неъматилла ўз отасининг тарбиясида бўлганида, ҳаётда бунчалар қоқилмаган бўлармиди...

Айтмоқчимизки, турмуш қуришу акралаб кетишни одатий ҳол деб қабул қилувчилар фикрларидан қайтсинлар. Неъматиллалар сони кўпаймасин, одамлар! Раҳматилла ЖУРАЕВ, Бувайда тумани ИИБ катта терговчиси милиция капитани.

Акрамжон УМАРОВ, милиция майори.

Муҳаррир
Зокир ОТАЕВ.

Телефонлар: муҳаррир — 54-37-91, муҳаррир ўринбосари — 39-77-23, муҳаббарлар бўлими — 59-26-56, 59-20-92, умумий бўлими — 59-21-21.

МАНЗИЛГОҲИМИЗ: 700029, Тошкент, Лопатин кўчаси, 1.

Обуна рақами — 64615.

Ўзбекистон Жумҳурияти «Шарқ» нашриёт-матбаачилик концерни
Босмахонаси. 700083, Тошкент, Ленинград кўчаси, 32.

• Кўчириб босишда «Поста»дан эънамининг кўрсатиш шарт. • Мақолада келтирилган рақамлар, фактлар ва бошқа маълумотлар учун, шунингдек, оқиш эълон қилиниши мумкин бўлмаган маълумотлар учун муаллиф жавобгар ҳисобланади. • Муаллифнинг мулоҳазаси таҳририят фикрига мос тушмаслиги мумкин. • Қўлёзмалар таҳлил қилинмайди ва қайтарилмайди.